

LIGA GALEGA DE NATACIÓN INFANTIL

Tempada 2012 - 2013 - Circular 12-15

1.-ORGANIZACIÓN, DATAS E SEDES.

1.1.- A liga galega categoría Infantil celebrarase en catro xornadas de carácter local. Os clubes que para algunha xornada desexen cambiar de grupo, deberán solicitalo a través dos Delegados federativos, e será aceptado, sempre e cando non se exceda a duración máxima establecida de dúas horas e media para cada sesión.

1.2.- Cada xornada levarase a cabo nunha sesión, que comezará ás 11.00 horas se é matinal e ás 17.30 horas se se celebra pola tarde.

1.3.- Polo menos unha hora e media antes do inicio de cada sesión, a piscina deberá estar a disposición dos nadadores para efectuar o quecemento.

1.4.- As datas serán as que figuran no calendario de natación para presente tempada.

1.5.- A competición celebrarase en piscinas de 25 ou 50 metros.

2.- PROGRAMA DE PROBAS.

Xornada 1	Xornada 2	Xornada 3	Xornada 4
1. 100 estilos mas	11. 200 estilos mas	21. 400 libre mas	29. 400 estilos mas
2. 100 estilos fem	12. 200 estilos fem	22. 800 libre fem	30. 400 estilos fem
3. 1500 libre mas	13. 50 libre mas	23. 200 braza mas	31. 100 bolboreta mas
4. 400 libre fem	14. 50 libre fem	24. 200 braza fem	32. 100 bolboreta fem
5. 100 costas mas	15. 200 bolboreta mas	25. 100 libre mas	33. 200 libre mas
6. 100 costas fem	16. 200 bolboreta fem	26. 100 libre fem	34. 200 libre fem
7. 100 braza mas	17. 200 costas mas	27. 4 X 200 libre mas	35. 4 X 100 estilos mas
8. 100 braza fem	18. 200 costas fem	28. 4 X 200 libre fem	36. 4 X 100 estilos fem
9. 4 X 50 libre mas	19. 4 X 100 libre mas		
10. 4 X 50 libre fem	20. 4 X 100 libre fem		

*A primeira xornada so poderá celebrarse en piscina de 25 m.

Realizarase un descanso de cinco minutos antes das probas de remudas.

3.- PARTICIPACIÓN.

3.1.- O presente regulamento está destinado ás seguintes categorías:

Masculino: nacidos 1997-1998-1999

Feminino: nacidas 1999-2000

3.2.- Cada nadador poderá participar en dúas probas individuais e unha remuda como máximo en cada xornada.

3.3.- Cada clube poderá inscribir o número de nadadores que desexe en cada proba, coas seguintes excepcións:

- Nas probas de 400 libre e 400 estilos, o número de series non poderá exceder de 5 en categoría masculina e 4 series en categoría feminina, e nas probas de 800 e 1500 libre o número de series non poderá exceder de 3.

- Se o número de nadadores inscritos fose superior ao número de nadadores admitidos, inscribíranse inicialmente os 4 nadadores con mellores marcas de cada clube, completándose o resto cos demais nadadores inscritos con mellores marcas acreditadas, independentemente do clube ao que pertencen.

3.4.- Cada clube poderá presentar os equipos de remudas que desexe en cada xornada.

4.- INSCRICIÓN.

4.1.- Realizaranse empregando a base de datos (modelo) correspondente á competición de que se trate e serán

remitidas á FEGAN por correo electrónico (inscricions@fegan.org). Xunto co devandito ficheiro remitirase, no mesmo correo, a “acta de preinscrición” que o propio programa xera en formato PDF (preferible) ou DOC.

4.2.- As inscricións deberán acharse en poder da FEGAN antes das 20.00 horas do martes anterior á celebración da xornada correspondente, sendo responsabilidade do clube que realiza a inscrición asegurarse da súa recepción.

5.- FÓRMULA DE COMPETICIÓN.

5.1.- Todas as probas serán disputadas contra o reloxo.

5.2.- A puntuación realizarase na sede da FEGAN, a partir da clasificación xeral da liga. Nesta clasificación non se terán en conta a conversión dos resultados realizados en piscina de 50 metros.

5.3.- Para os efectos de puntuación só se terá en conta como máximo catro nadadores por clube en cada proba individual e un equipo de remudas, con independencia dos que participasen.

5.4.- A puntuación nas probas individuais será: 27, 24, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2, 1.

5.5.- A puntuación nas probas de remudas será: 54, 48, 44, 42, 40, 38, 36, 34, 32, 30, 28, 26, 24, 22, 20, 18, 16, 14, 12, 10, 8, 6, 4, 2

5.6.- No suposto de que un clube teña clasificados máis de catro nadadores na mesma proba só puntuarán os catro primeiros. Os clasificados despois non serán puntuados, adxudicándose a súa puntuación ao seguinte da clasificación que non sexa dese mesmo clube. Do mesmo xeito, nas probas de remudas só se terá en conta para os efectos de puntuación un equipo por clube.

6.- RESULTADOS E CLASIFICACIÓNS.

6.1.- Tanto os resultados unificados (de todas as sedes) como as clasificacións serán realizados na FEGAN, para o cal os clubes organizadores deberán remitir os resultados de cada sede á FEGAN o máis axiña posible, como máximo deberán estar na federación o martes seguinte á celebración da competición.

6.2.- Os resultados de cada sede remitiranse á FEGAN a traveso do correo electrónico resultados@fegan.org e tamén ao correspondente correo electrónico de cada un dos clubes participantes.

6.3.- Realizaranse as seguintes clasificacións:

a) Clasificación masculina. Total puntos acadados en probas individuais e remudas masculinas.

b) Clasificación feminina. Total puntos acadados en probas individuais e remudas femininas.

c) Clasificación total. Total puntos da suma da clasificación masculina, feminina e máis os puntos das probas mixtas (se existir).

7.- TÍTULOS E PREMIOS.

7.1.- Entregarase un trofeo ao clube que acadase a maior puntuación, atendendo á alínea c) do punto 6.3 sendo proclamado Campión da Liga Galega de Natación Infantil

8.- RECLAMACIÓNS.

Nas competicións de natación de carácter territorial pero con varias sedes, a Comisión de Competición estará formada por:

a) O Secretario Xeral da FEGAN

b) Un representante dos Clubes participantes, elixido por sorteo.

c) Un representante dos adestradores, elixido por sorteo de entre os pertencentes aos clubes participantes

d) O Xuíz Árbitro da Competición.

e) Unha persoa designada pola FEGAN que non coincida coas anteriores.

O sorteo dos compoñentes desta Comisión de Competición, celebrarase ao inicio da tempada, durante a disputa do Campionato Galego de Longa Distancia.

A reclamación presentarase, como máximo, ata 48 horas despois de resolta a reclamación previa presentada



ao xuíz da competición.

A reclamación resolverase, por parte da Comisión de Competición, como máximo 48 horas despois de ter coñecemento dela.

RECLAMACIÓN DE RESULTADOS

Calquera reclamación contra os resultados non se poderá levar a cabo logo de pasadas 48 horas dende a súa publicación definitiva.

A Coruña, 28 de setembro de 2012

Secretaría Xeral FEGAN